

## PAGESUSI GIYA 23

# Unsa Ug Asa Ang Imperno?

**A**ng walay pulos ug walay hinungdan nga pagpamusil nahitabo sa dihang usa ka studyante naglakaw ngadto padulong sa eskwelahan ug mipatay sa daghan niyang mga (classmate) kaklase. Usa ka nagmulo ug nagbagulbol nga tawo nga gipalagpot sa iyang trabaho, misulod sa opisina sa kanhi niyang boss ug iyang gipusil kini. Usa ka inahan gitulak ang iyang sakyanan ngadto sa tubig uban ang iyang duha ka mga anak ug nangalumos sila.

Dili moubos sa duha ka kontento daghan ug linibo ang nanga-ihaw sa paglimpyo sa kaliwatan. Gatusan ka katuigan ang nanlabay daang mga pagbanig tali sa duha sa grupo sa mga kaliwat ang hinungdan. Lalaki, babaye, kabataan, ug bisan ang mga puya gipamusil, panigbas, gilatos ug gipanlugos.

Ang pagsilot niining lumad nga kaliwat niini nga krimen uban sa silot sa kamatayon, bisan ngadto sa ubos nga mga mamumuno, gikundinar sa kadaghanan. Hut-ong sa kadaghanan nagprotesta batok sa silot kamatayon, ilang gitawag nga dili tawhanon, "Paganismo" sila nangutana kini ba nga mga mamumuno wala nay kaluwasan?

Unsay labing tawhanon nga paagi sa pagsilot sa gikondina nga kriminal? Ang silya elektrika ba? Ang uban naghunahuna sa (Lethal injection) aron walay sakit (bitay). Ang uban bilanggo sa tibuok nga kinabuhi mas maayo kay sa bitay.

Apan sa tanan nga mga katarunganon nga debate mahitungod sa silot kamatayon, adunay usa ka maayong sugyot nga walay usa nga mikonsiderar. Walay nagsugyot nga ang usa ka mamumuno, nga sa linog mipatay sa laing kinabuhi, magbayad sa lawas nga pagsakit sa kamatayon. Walay usa, sama pananglit sa sugyot nga kining mga mamaumuno hinay-hinay nga sunogon hangtod mamatay.

Apan daghang sincero nga mga Christohanon naghunahuna nga ang atong langitnong Amahan magbuhat mas ngilngid pa niana. Ang mga dautan, ingon sila kinahanglan sakiton aron pagbayad sa ilang mga kasal-anan. Ug unsa pay ilang paghulagway sa silot sa Dios kondili ang dapit sa walay katapusang pagsakit.

Unya unsay mahitabo sa mga dautan? Unsaon sa ilang swerte mohaum uban sa gugma ug hustisya sa Dios? Atong lantawon ang tubag sa Bibliya.

### I. ANG KATAPUSANG PAGGUN-OB NI JESUS SA KASING-KASING

Sa 6,000 ka mga tuig ang Dios naghangyo ubang sa lalake ug mga babayel.

*"Ingon nga ako buhi, nagaingon ang Ginoong Jehova, ako walay kalipay sa kamatayon sa tawong dautan, apn nga motalikod ang dautan gikan sa iyang dalan ug mabuhi."* — Ezekiel 33:11.

Ang krus nagpadayag kon unsa ka gusto sa Dios nga maluwas ang nahulog nga kaliwatan sa tawo. Sa diha nga mihilad si Jesus didto sa krus, "Amahan, Pasayloa sila, kay wala sila masayod sa ilang gibuhad." Iyang gitugyan ang naguol niyang kasingkasing, (Lukas 23:34) ug wala madugay gitugyan ni Jesus ang Iyang kinabuhi, ug ang uban naghunahuna, nga si Jesus namatay sa sakit sa kasingkasing. (Juan 19:30,34).

Apan bisan uban niining gamhanang dimonstrasyon sa balaang gugma, daghan gihapong katawhan wala mobalik ni Jesus. Ug mintras ang sala nangulo pa ning kalibutana, kini magapadayon sa pagdaghan sa katawhan nga kalisod ug kalisdanana. Busa ang sala kinahanglan malaglag. Giunsa pagplano sa Dios pagtapos niining sala?

*"Apang ang adlaw sa Ginoong maga-abot sama sa usa ka kawatan, ug unya ang mga langit mawagtang uban sa dakong dinagook, ug ang mga kasugdanan sa kalibutan mga tunaw sa hilabihan ka init. Ug PAGASUNOGON ANG YUTA UG ANG MGA BUHAT NGA ANA-A NI-INI."* — (2 Pedro 3:10).

Kinahanglan nga tapuson na sa Dios ang paglimpiyo sa kalibutan sa dautan ug tapuson na ang sala. Kadtong nagpadayon pagpugong sa sala sila mga laglag pinaagi sa kalayo nga giandam alang sa paglaglag sa yawa, ang iyang mga manulonda, ug ang sala sa atong kalibutan. Unsa ka sakit nga hitabo alang kang Jesus samtang siya magalantaw sa kalayo maga-ot-ot alang niadtong iyang gipakamatayan aron maluwas.

### 2. ASA UG KANUS-A ANG IMPERNO MASUNOG?

Sukwahi sa ubang inila nga mga hunahuna, nga ang Dios wala pay kalayo karon nga isunog sa dapit

nga "Imperno" diin ang mga makasasala moadto aron mamatay. Ang Dios maghulat sa pagdala sa sentensiya sa mga dautan hangtod sa katapusang paghukom pagkatapos sa 1,000 ka tuig. (Pinadayag 20:9-15).

**"Nan, ang Ginoo nahibalo sa pagluwas sa mga tawong diosnon gikan sa mga pagtintal, ug sa pagbantay nga ang mga dili matarong magapabilin ubos sa silot hangtod sa ADLAW SA PAGHUKOM." — (2 Pedro 2:9).**

Iya usab limpiyohan ang kalibutan uban niining maga-ulay nga kalayo.

**"Apan pinaagi sa mao ra nga pulong ang mga langit ug yuta nga karon nagalungted gikata-gana alang sa kalayo, ginatipigan alang sa ADLAW SA PANUDYA ug sa kalaglagan sa mga tawong dili diosnon." — (2 Pedro 3:7)**

Ang Dios wala magplano alang sa katawhan pagtapos sa ilang kinabuhi sa kalayo didto sa imperno. Apan kon ang katawhan mobalibad sa pagbungkag ni satanas ug mohawid sa ilang mga sala, sila sa katapusan makadawat sa ganti sa ilang pagpili.

**"Unya ang Hari magaingon kanila, pahatwa gikan kanako, kamong mga tinunglo, ngadto sa kalayong walay katapusan nga GITAGANA ALANG SA YAWA UG SA IKYANG MGA MANULONDA." — (Mateo 25:41)**

Sumala ni Jesus, kanus-a ang Imperno masunog?

**"Magaingon nga ang mga bunglayan pagaibuton ug pagasunogon sa kalayo, mao man kana ang mahitabo unya INIGKATAPOS NA SA KAPANAHUNAN. Ang anak sa tawo magapadala unya sa IYANG MGA MANULONDA, ug ilang TAPUKON UG HAKUTON pagawas sa iyang ginharian ang TANANG HINUNG DAN SA SALA UG ANG TANANG MAGBUBUHAT UG DAUTAN, ug ilang ISALIBAY KINI SILA NGADTO SA HUDNO NGA MAGADILAAB didto ang mga tawo managpanghilak ug managkagot sa ilang mga ngipon." (Mateo 13:40-42)**

Ang bunglayan, mga mamumuhat ug dautan, dili pa masunog hangtod sa katapusan sa kalibutan. Sa dili pa ang sentensiya pagdad-on, ang tibuok nga uniberso kinahanglan masiguro nga ang Dios kanunay manggiangayon sa iyang pagdumala sa matag nilalang. Sa gidetalye sa Giya 22, sa dakong away nga nagpadayon tali ni Kristo ug Satanas, si Satanas sa kanunay nagsulay pagpamatuod sa uniberso nga ang dalan sa sala mao ang maayo nga dalan; si Jesus usab sa kanunay naghulagway nga ang dalan sa pagkamatinumanon maoy yawe sa dugang kabuhong sa kinabuhi.

Sa pagtapos sa 1,000 ka tuig, kini nga paghulagway mosangko ngadto sa paghukom ni Satanas, sa iyang mga manulonda, ug ang mga dautan. Human ang mga libro ablihan diin nagpadayag sa bahin nga ang matag tawo nakadala niining dakong drama, ilabay sa Dios si Satanas, ang kamatayon, ug ang lubnganan, uban sa matag usa kansang ngalan "wala mahisulat sa basahon kinabuhi...ngadto sa linaw sa kalayo" (Pinadayag 20:14-15). Sumala sa sunod nga bersikulo, Pinadayag 21:1, human limpiyohan sa Dios ang yuta gikan sa sala uban sa kalayo, siya magmugna sa "Bag-ong langit ug Bag-on yuta."

### 3. UNSA KA DUGAY MASUNOG ANG IMPERNO?

Daghan ang mga tumotoo nagdawat sa ideya nga ang kalayo sa imperno nagalungtad sa dayon, nga moresulta sa walay katapusang pagsakit. Atong tan-awon pag-ayo ang texto gna naghulagway sa pag-atiman sa Dios sa sala ug sa mga makasasala.

**"Siya magapahamutang ug panimalos diha kanila nga walay makaila sa Dios ug kanila nga wala magsinugtanon sa maayong balita mahitungod sa atong Ginoong Jesus. Mahiaguman ra nila ang silot sa PAGKALAGLAG NGA WALAY KATAPUSAN ug an pagkahininginlan gikan sa atubangan sa Ginoo ug gikan sa himaya sa iyang gahum." — (2 Tesalonika 1:8,9)**

Timan-I, ang "walay katapusang paglaglag" dili sama sa "walay katapusang pagsakit" kini nagkahulogan, ang paglaglag nga molungtad sa walay katapusan. Ang apekto mao ang walay katapusang kamatayon. Si Pedro naghigot sa adlaw sa paghukom ug paglaglag sa dili diosnon nga katawhan." (2 Pedro 3:7)

Sumala pa ni Jesus, pareho "kalag ug lawas" mangalaglag sa imperno (Mateo 10:28) sa iyang sermon didto sa buntod, si Jesus nagsulti sa pit-os nga sultihan "nga naggiya sa kalaglagan: (Mateo 7:13,14). Sa Juan 3:16 si Jesus nagsaysay nga ang Dios "naghatag sa iyang bugtong anak" nga kadtong motoo dili malaglag, apan maka-angkon sa kinabuhing dayon." Si Jesus nag-alkontra sa sa duha ka suerte. Dayong kinabuhi o malaglagon, dili dayong pagdila-ab. Kinahanglan atong tapuson nga ang imperno sigurado adunay katapusan; nga resulta sa kamatayon ug kalaglagan sa dautan.

Tataw nga pagpamatuod sa tibuok kasulatan nagsulti kanato nga ang dautan pagalaglagon. "ang dautan mahunong na" (Salmo 37:28). Sila mahanaw " (2 Pedro 2:12) "mahanaw sila sama sa Aso" (Salmo 37:20). Ang kalayo maga-ut-ot kanila sa pagka-abo (Malakias 4:1-3) " ang bayad sa sa sala mao ang kamatay-

on” dili dayong kinabuhi sa imperno nga kalayo; “Ang gasa sa Dios kinabuhing walay katapusan.” (Roma 6:23).

Ang katuyoan sa katapusan pagsilot sa kalayo mao ang kapungot sa sala diha sa uniberso, dili ang pagpreserbar sa sala sa dayon. Malisod sa paghunahuna nga ang Kristo nga naghilak ngadto sa suerte sa matig-a magahi nga Jerusalem ug magapasaylo niadtong nanagpatay kaniya, makahimo sa paggugol ug panahon sa walay katapusan nga pagtan-aw sa mga pag-agulo ug kasakit sa mga makasasala.

Ang Imperno adunay katapusan. Sa pagtapos sa 1,000 ka tuig, ang Dios magpaulan ug kalayo gikan sa langit sa pag-ut-ot sa yawa, sa iyang mga manulonda, ug ang mga dautan nga padayon magahupot sa ilang mga sala, “Kalayo” moabot “paubos gikan sa langit” ug lamyon sila. (Pinadayag 20:9).

Sumala ni Jesus, kini nga kalayo “dili mapalong” (Mateo 3:12) walay brigada sa kalayo nga makapalong niini hangtod nga matapos ang buhat sa pagtapos sa paglaglag.

Ang Dios nagsaad nga, gawas niining kalayo sa paglimpiyo, siya magahimo sa “bag-o nga yuta,” diin ang “nangagi nga mga kasamok nahikalimtan na” ug ang tingog sa paghilak ug pag-agulo wala nay pagkadungog.” (Isayas 65:16-19)

Unsa kadako kana nga adlaw! Ang tanang hinungdan sa kasakitan kini mahanaw. Ang Dios magapala sa sa mga samad sa sala gikan sa matag kasing-kasing, ug ang atong kalipay mamahingpit na.

#### 4. “WALAY KATAPUSAN” SA KASULATAN

Sa Mateo 25:41 si Jesus nagsulti sa “walay katapusang kalayo gianda sa yawa ug sa iyang mga manulonda” dili ba kining “Eternal” (walay katapusan) nagsugyot sa imperno nga (Forever) hangtod sa walay katapusan? Judas 7 nagpresentar sa Sodoma ug Gomora “ingon nga ehemplo niadtong nag-antos sa silot sa walay katapusang kalayo” sa wala pa ang talan-awon niadtong mga ciudad wala pa magdilaab. Apang ang kalayo (Eternal) walay katapusan sa pagtoo nga ang resulta permanente nga paglaglag.

Sa 2 Pedro 2:6, sa makausa pa atong mabasa ang walay katapusang kalayon. Apan kini nga kasulatan sa tataw nagtudlo nga ang Dios “nagkondena sa ciudad sa Sodoma ug Gomora pinaagi sa pagsunog kanila ngadto sa pagka-abo, ug nahimo sila nga pananglitan sa mahitabo sa mga dili diosnon.”

Ang dili mga diosnon sa Sodoma ug Gomora sila wala pa nanag-antos; sila na-abo na sa dugay na nga panahon, unya ang kalayo nga nagsunog kanila (Eternal) “walay katapusan” niadto nga circumstansiya, permanente nga kalaglagan.

Ang (Eternal) dayon, nagkahulogan ug parmanente nga silot, dili silotan tungod kay ang Pinadayag nga libro naggamit sa symbolic nga pinulongan, ang uban niini na pahina nanga saypan sa uban. Sama pananglitan sa sa Pinadayag 14:11, naghigot sa nawala (lost) “ang so sa ilang pagsakit mipataas hangtod sa walay katapusan” kini naghulagway sama sa walay katapusang pag-antos. Apan sa makausa pa, atong ipahubad ang kasulatan por kasulatan. Exodo 21:6, naghigot sa usa ka sulogoon nga gibangagan ang iyang dalunggan ilhanan nga siya maga-alagad sa iyang agalon “hangtod sa kahangtoran” (Forever). Niini nga kahimtang “hangtod sa kahangtoran” (Forever) hangtod kanus-a molungtad ang kinabuhi niini nga sulogoon. Si Jonas, nga bakasyon lang ug tulo ka adlaw ug tulo ka gabii sulod sa tiyan sa isda (Mateo 12:40) naghigot didto siya sulod sa tiyan sa isda (forever) “sa kahangtoran” (Jona 2:6) sa walay duha-duha ang tulo ka adlaw sa piot nga kangitngit mahisama sa walay katapusan.

Busa atong ampingan ang pag-abot unsa ug kanus-a ang kasulatan naggamit sa simbolo, balaknon nga sinultihan. Ang aso misaka sa walay katapusan gikan sa linaw nga kalayo kini klaro kaayo nga nagpadayag sa walay katapusan nga kalaglagan. Pinadayag 21:8, nagsulti kanato sa klaro nga ang linaw diin nagdilaab ang kalayo ug asupre mao ang “ikaduhang kamatayon” ang imperno adunay katapusan ang mga dautan gilamoy; sila nangalaglag.

#### 5. NGANONG KINAHANGLAN NGA ADUNAY IMPERNO?

Sa sinugdan ang Dios nagbuhat sa hingpit nga kalibutan. Apan ang sala misulod nga nagdala ug kadautan, pagkadunot ug kamatayon. Kon ikaw mopauli sa imong balay ug sa imong pag-abot, nakita mo nga giransak ug gibungkag ang imong balay, imo ba kining pasagdan (Forever) hangtod sa katapusan? Dayag nga dili gayod, imong limpiyohan ang mga hugaw ug nangadaut gikan sa taas ngadto sa ubos, ug ipanglabay ang tanang nangabungkag ug nangaguba nga dili na maayo. Kini mao gihapon ang pagabuhaton sa Dios. Iyang atimanon ang tanang mga dautan ug mga polusyon sa sala sa makausa lang ka higayon, maghimo sa bag-ong yuta sa iyang dapit. Ang katuyoan sa Dios alang sa paglimpiyo niini nga kalibutan pinaagi sa kalayo aron sa pag-andam sa dalan sa hingpit nga kalibutan alang kapoy-an sa mga linuwas.

Apan ang Dios nag-atubang sa seryoso nga problema, tungod kay ang sala dili lang nakadautan sa

physical nga kalibutan, natakdan usab ang katawhan. Ang sala nakadaut sa atong relasyon uban kaniya ug sa matag usa. Ang katawhan nagpadayon nga tinunglo pinaagi sa pag-abuso sa kabataan, terorismo, malaw-ay nga mga hulagway, ug liboan pa ka mga kanser sa kalag. Ang Dios kinahanglan ugma damlag laglagon na ang sala, tungod kay dauton sa sal ang katawhan.

Ang suliran sa Dios mao kini; unsaon pagwagtang sa makamatay nga Virus sa sala (lala- gikan sa kalibutan unya dili madaut ang katawhan nga na-inpekto niini nga virus? Ang iyang sulbad mao ang pagkuhaniana nga virus nganha sa iyang kaugalingong lawas; iyang gitugutan ang kanser sa sala sa pagdaut kaniya didto sa krus. Ug ang resulta.

***“kon isugid ta ang atong mga sala, siya kasaligan ug makatarunganon nga tungod niana mopasaylo siya sa atong mga sala ug MAGAHINLO KANATO GIKAN SA TANAN PAGKADILI MAKATARUNGANON.”—1 Juan 1:9.***

Ang Dios naghanyag sa iyang solusyon sa parolema sa sala sa walay bayad ngadto sa matag usa. Apan ang makasusubo nga kamatuoran mao, nga ang uban nagpadayon sa pagsalig sa sakit sa sala, ug ang Dios mamugos sa katawhan sa pagpili sa iyang dalan ngadto sa dayong kinabuhi. Kadtong mibalibad sa iyang hanyag, solusyon sa katapusan sila ut-oton niana nga sakit. Ang tinuod nga rason alang sa imperno mao kini.

***“Tungod kay sa diha nga ako mitawag, kamo wala motubag; sa diha nga misulti ako; kamo wala mamati, kon dili gihimo hinoon ninyo kadtong dautan sa akong mga mata, ug gipili kadtong wala nako kahimot-i.”—(Isayas 65:12)***

Naputol gikan ni Jesus pinaagi sa ilang kaugalingong pagpili, ang mga dautan makakaplag nga wala nay laing paagi mao ang walay katapusan nga kamatayon.

## 6. UNSA ANG BILI KON KITA MAWALA?

Bisan tuod nga ang Bibliya wala magtudlo nga ang kalayo sa imperno resulta sa walay katapusang pagantos, kini magahatag kanato sa panglataw kon unsa ka makalilisang nga kasinatian ang mawala. Ang mga dautan dili makasinati sa kinabuhing dayon. Unsa ka makahadlok nga palandungon nga ang kalipay sa kinabuhing dayon uban sa Dios nakahiplos sa ilang mga kamkot, nga dili na nila, bisan kanus-a masinatian ang kabulahan sa hingpit, mahigugmaong relasyon sa tibuok nga kapanahunan sa katuigan.

Sa nagbitay si Kristo sa krus uban sa sala sa kalibutan nagpahamulag kaniya gikan sa Amahan, iya tingali nga gibati ang kaguol sa walay katapusan nag pagkawala. Sa diha nga ang mga dautan milutaw sa itom awa-aw nga unahan kanila, ang ila lamang nakita ang walay katapusan nga kalaglagaan. Sila mangamatay lang nga walay paglaum sa ikaduhang pagkabanhaw. Sa mao nga panahon ilang makita giunsa nila pagdumili si Kristo sa matag panahon sa iyang pagduol uban ang gugma. Unya sa katapusan miluhod sila ug miila sa hustisya sa Dios ug sa iyang gugma. (Filipos 2:10,11)

Dili ikatingala nga ang manunulat sa Bibliya nagadali sa pagduot kanato sa gibug-aton sa atong pagpili ug sa pag-angkon ni Kristo.

***Busa sa nagabuhat kami uban kaniya, kami mangamuyo kaninyo sa dili pagdawat sa grasya sa Dios sa wala lamay kapuslanan. Kay siya nagaingon sa panahon nga kahimot-an ikaw akong gipatalinghugan, ug sa adlaw sa kaluwasan ikaw akong gitabangan.” (2 Korinto 6:1-2).***

Wala na koy mahunahuna-an nga dako nga katalagman kay sa usa nga giusikan ang bililhon nga sakripisyo ni Jesus pinaagi sa pagpili nga mawala. Ang mga paagi nga atong ginaatubang klaro ug tataw kaayo. Walay katapusang pagkalaglag, ang dayon walay labot ang gikan sa presensiya sa Dios, ao ang walay katapusang panaghigala uban ni Kristo nga nagtuman sa atong dugay ng mga pangandoy. Hain man imong pillion alang sa imong kaugalingon? Nganong dili man nimo diskobrehan ang imong destinasyon diha kang kristo karon?